

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940

T5966/2978(3)

圭美堂集卷七

詩七言律

已亥春日過尚友望親廬
青粉墻圍碧瓦鋪
春風步屨曲尋途
巢成不見將雛燕
樹老空啼反哺烏
望裏三山迷到處
胸中五嶽有真圖
月明每看香燈晚
會待遼東鶴夜呼

過尚友十畝園同陸次狂小飲

塵中歲月似流星
十六年餘再一經
叢竹已侵人面綠
小山猶枕屋頭青
暫存舊日題詩句
呼得隣翁共酒瓶

哈佛大學漢和
圖書館珍藏印

三美堂集 卷一
誰道軟紅香氣在唯君不負草堂靈

三徑開來十畝園羊求舊好又窺藩注莊閣筆從行樂
種竹留賓慣閉門消日何曾閒用買養生只有拙為尊
玉堂不要扶犁手好傍桑田共一村

宋滋菴令鄆陵寄贈

母近百齡兒近耆河陽初鼓不齊琴壯圖勇破懸車例
識者同悲捧檄心忍忘臺萊三疊好知銘忠孝兩言深

口碑便是高堂祝何用心經萬本臨

滋菴曾臨心
經以祈母壽

馬母汪太君未字守貞立嗣昌後 恩旌合典感

賦長句

雲章高揭表門閭竒節全貞世所無未匹舞鸞愁對鏡
最憐孤燕義將雛冰天力轉陽春脚冷燼能洪造化爐
首奏廓風崇矢死難憑今古定羸輸

追和須鳳苞去年贈行二律原韻

負郭田荒已晚歸空教事事與時違幾聞奔豕常堪服
漫道祥麟不受鞿物外辛勤爬蕙畝篋中熨帖製荷衣
年光但覺閒來好何用淮南戰後肥
共簪吟筆玉為堂偏向頑夫取寸長自顧終嗤膠柱鼓

同人聊說善刀藏花場已負三春艷月榭猶分萬里光
他日蓬門存五馬盤龍小徑認雲莊

贈納蘭綱齋奉使安南

安南冊使王孫貴

納蘭為葉合國王裔

乾鵲聲中邸錄來龍節自

天雙簡重

封弔新併為一

麟袍照地八駟開三廳舊說讐書罷

上日新傳拜冢回想到恩榮成獨笑春風吹我上高

臺

玉堂日日說丰容典冊南交海國同

冊封琉球遣官同此

雨露榮

收稽古力衣冠遠播右文風羣推經學殷員外肯羨歸

簑陸太中江漢秋陽人未渺

謂安溪師

好從鵬背運天空

雙旌小队鴈行過漫道途長譯語毗戶版舊收揚部內

聲靈遙跨越裳多寡芳應贈汀州句

謂寧先

送遠還徵澧

浦歌

謂澧南

第一流人去專對王三錫命頌時和

彘彘銅柱漢時功何似車書萬里通定有郡人從應奉

不勞蒟醬引唐蒙詩消椰酒騰騰醉梅艷丹砂粒粒紅

遲我周南媿留滯不隨泛月大江東

無年不能買舟投趾肇札告不赴重九之約長句

猥貽次韻有答

一水時懷詩酒儔長松謾謾竹修修送窮我笑空三揖
望遠君工寄四愁魂夢尋盟應早到江山知狀待來游
范張計日何人事定向朱涇信宿留

九月十日座主韓城張大司寇奉使浙中經過吾

邑侍側候館至夜分喜賦

秋際軺星入楚懸謹譁索處老彭宣遙空北斗云胡近
綽有西風未覺寒聽樂後堂霄漢外移情碧海黍雞前
城頭更漏知多少嶺月窺人欲向圓

先憂元老采風過事事咨謀問若何當路望能宣 帝

閒居人只祝時和天邊鴈隊催寒近籬下花香向晚多
且喜不材啟蒙陋深宵戀戀振靈鼉

同年德孔昭按事浙中過吾邑枉訪贈別

記羨燈牕弱冠時興公方擁絳紗帷

孔昭時及孫
莪山先生門鄉賓

原落驂騑後

丙子孔昭登賢
書余為榜副

國士端於鼎鼐宜不道山

王林下過敢生車笠路旁疑願君霖雨膏流徧也潤鷓

鷓一小枝

培風中翰使節過敝邑候館中夜話賦別

皇華巧與接音輝悲喜交填啟客扉秋驛論心千里近

京塵回首廿年非羊曇夙咽西州路令外舅容菴公已下世石建

新湔子舍衣喜尊人司空公無恙燈火話殘今舊雨夜涼青靄夢

依稀青靄司空軒名

清眸書塾記猶真龍節翩翩出後塵祖德正深棠下蔭

令祖總督漕運至今人思其惠門資偏重道南貧尊大人以清介稱長淮一碧

風帆飽晚菊分香卯酒春家是世臣思報稱扶搖佇慰

老閒人

重陽後三日曹仲經北行見訪

江湖渺渺滿秋思恰我懷人共酒卮一夕寒花風雨過

廿年征鴈稻梁遲相逢閒况矜天賜借問來端益鬢絲
帆落殘陽沙岸迴隨人行止更淒其

巨來別後復成二長句

多謝山王隻騎遙林中木葉下蕭蕭蠻烟瘴海詩千首

秋草閒門酒一瓢天使猶看高馬骨巨來在京騎一馬芻秣不繼遂骨立

常舉官清馬骨高戲之書裝還笑重牛腰同人若問新酬唱此夕

清風轟斗杓

莫向閒居問寂寥故人三徑有良宵歸裝鴻寶探韓碣

云有拓得南海神廟碑見貽老硯鄉情認醉樵夜半聯吟出饒介之硯起草饒亦臨川人

聊此盈樽同笑傲也虧衆煦駕風潮他年佳話堪留記
漫說蓬山定九霄

寄答成日照乾夫

停雲懷思有秋宵齊地文翁際海遙近日風猷應變魯
起衰詞筆恰如潮連天黃茂琴三弄照眼丹楓酒一瓢
曷月同君邀蜃彩為予樓閣結烟霄

秋春兩度惠來鴻賤子心情野鶴同改屋前邊顏壁雨
落帆時節打頭風安閒投老矜天賜乳哺遺經報祖功
只有懷人拋不下徘徊菊影短籬東

胡岱源丞如臯贈之

海陵壤地真清地安定家門便一過土物算來饒買鶴
圩田勝處半栽荷長閒贏得交無負破寂全憑日有哦
更富丹青餘事業籬邊圖就野花多

岱源善繪花卉

宋向高丞吾邑

顯胄猶稱贊府華還將清事傲豪奢脩脩已挺藍田竹

居有脩竹數十竿

種種添栽潘縣花

向高多攜家中名花贈貽士夫

汝楫自囊

三道策羸金羞鬪五書車山城記取風流在不媿韋平

說世家

冬夜枕上

先子三冬課我忙五更燈火問茶湯浴室雲板敲殘月
極樂鐘聲殷曉霜脆疊芽飴鬆拌麪飴以大麥芽為之故云爛煨
山藥滿鋪糖眼昏慵起音容杳一聽晨雞一斷腸

簡儲中子

幽人問我近行藏生計酸寒意味長旋點薑鹽黃豆粥
親調油醋綠葵湯沒錢又欠鈔書債乏僕新添種菜忙
傳得坡翁治病訣安心是藥更無方

高母葉君七十壽詩

葉君年未四十吾友高子凝旭棄世子惟善方五齡
惟信則遺腹生也時歲祲賦重內外感君瘠瘁拮
据諸艱備歷今兩子婚娶含飴膝前田屋視向者且
滋殖矣復償凝旭夙負銖絲無遺真不愧地道代終
之義焉明年正月七十嘉慶二子預徵壽詩因為之

賦

寡鶴雙雛一未生木饑水毀際惇惇方危寒歲孤松節
已盡春暉寸草情甕裏兒餘留客酒塾間孫滿讀書聲
壽言猶乞扶犁手為寫芳徽代國旌

澹士以安溪永逝爾我遠離為第一字成詩見寄
依韻答之

先生箕尾跨寒芒後死屯蒙倍愴傷
憶別苦言當漏盡永離何處仰秋陽
大千世界羈思滿從古山林歲月長
那共玉人成夜宿新悲舊恨話羊腸

答澹士

先生不是苦悲秋難數晨昏共勝流
已占風潭貪百頃何煩奴橘富千頭
游盤雲鶴憐無際退遂藩羊感未休
誰道人寰闌弱水西山東海漫悠悠

登舟阻雪寄程松門

銀盃逐馬帶隨輶鶴驚情思古勝游
望去自迷僵卧處興闌誰刺訪人舟
玲瓏素宇峯千疊晃蕩明砂月一洲
無限松門殘畫稿江天次第為君收

舟次阻雪飲顧南原學博所贈名酒寄懷長句

雲漿激灑破寒威正想先生擁絳帷
座客誰來同一盞

庭梅恍復踏南枝猶憐玉樹扶冰叟

南原館甥龔裴二生俱秀茁東坡和

子由壻王子立句云

何用檀槽按雪兒擬待明年芳草

竭從冰叟來游宦
路對君香汎藻芹庖

先遷甫自維揚來真州期與相晤大雪不止余迫
登楚遊之舟因寄長句

結契真堪第一流雪花零亂遠游舟方從邇室攀青眼
空仰高山怨白頭程子已虛臨路語孟卿終待廣筵求
澧蘭沅芷塞芳地應為思君不少留

舟中獨酌寄贈項澹齋

米顛書畫雲烟過清賞逢人說未央細雨梅花勤檢曆
良辰詩客滿堆床一江旅思消丹液萬斛誰家貯夜光
預遣洞庭春色夢騰騰仍到玉淵堂

十二月二十三母忌日舟中作

四歲遂無母氏憐素冠作忌倍淒然算來風木悲都有
恨是音容記不全一紀香燈羈宦外滿天冰雪楚吳邊
傷心寸草今宵甚萱影堂空六十年

母棄不孝乃順治庚子也

夜聞梅香計家中盆梅正放

斷山平野夜江荒枕上清馨嗅月黃疑是芳心傳故國
早銜春色報他鄉

明日立春

蘆簾人弄嬌娃畔彩服兒拈臘

酒旁盡日巡檐齊念遠幽葩應有暗來香

大通驛

古驛前邊儘滯留眼前風景亦清遊曲依巖岫成烟市
半隱檣竿出戍樓坐卧已同三宿戀笠箬何似五湖秋
閒來擬向江天老一任東風不掉頭

庚子元日泊大通驛有懷澧南

荷葉洲前兩槳閒寂無柏酒照清顏何來黃鶴耽吟客
空對青蓮贈號山九華舊名九子太白易今名燈暗江聲連夜雨雞
殘鄉夢到柴關不知能及燈花節蘭茝薰人一榻間

元日懷綱齋

相期命駕敢愆期蘭槳容與節候移雪裏夜光生曉色

雨餘樹色弄春姿倒傾甕底賢人酒爛煮盤中上客葵
只少王孫同一笑文談磅礴古皇時

大通驛元日

未許年光爆竹催九華山色共委蛇村頭花信通鈿勝
樹杪春生颺酒旗燕笑漸忘鴛侶舊心情應許釣徒知
平生未歷誇新事一葉空江薦歲卮

積雨逆風舟泊湖口寄懷澧南

累日江頭不掛篷艤舟帖岸昧西東梅黃預釀朝朝雨
潮信先來習習風東風謂潮信風彭澤令君悽酒斷江州司馬

悄僧同

湖口在彭澤
九江之間

只餘夢逐山翁醉又破霜雞與雪

鴻

過蘄州寄澧南

荒松野竹點山蒼路入黃州應接忙江碧遠連千隴
峯嵐青深護萬山桑金閨自昔親瑤草石室從來有
瓣香藉爾文光聊卜隱一犁烟雨與同行

上元日舟泊巴河感舊

執經好趁放衙齊小閣從開西第西鄉味品雖參海錯
山厨清不厭霜螿破寒荔酒隨人酌分韻牙牌集字題

最愛先生譚易久毳毳花雨夜闌雞

蠅羹夷茗蒲桃釀風味清疎冰雪腸諧謔紛來亦濂洛
簪裾謝盡對游揚山泉滿眼談鄉井簫鼓誰家隔院墻
回首羊曇千斛淚一江烟雨黯孤航

正月二十日遊赤壁

雲夢南州江浪邊步尋赤壁倚城顛曹公自發星烏識
蘇子來叅水月禪未許雄圖留尺土多將靈境屬名賢
欲沽斗酒無烟火一棹春風灑雪天

二十日遊赤壁止見坡翁漁父詞刻近時祠字撐

挂碑碣林立感而有賦

坡公偶濯水曹纓臨眺猶深萬古情顧歎誰攜謀婦酒
出門恰憶女王城搖村江柳銜春碧入夢胎禽向客鳴
適聞鶴零落韓陵碑一片叢叢豐碣任縱橫
喉清響

二十日舟泊赤壁步坡公友人送至女王城韻

大塊囊風憶土門孤篷斷岸倚江村空庖喜盎春蔬氣
寒雨難抽宿麥痕糟袋破除員外冷雪堂空待桂斟温
君才應惹天公怪一笑能招楚客魂

疊前韻

短轅一駕出青門候鳥秋蟲委破村退角藩羊新免觸
摩天雲鶴遠無痕優閒何必浮家好冷落真如挾纊温
細雨梅花江上路不煩楚客斷吟魂

二十一日舟滯黃州先使奴子往澧南處猥蒙以

舫來迎喜賦

乘潮聊與報來期五日黃州睡足時面隔便同千里遠
信回纔釋百端疑酒痕怕似春波灩山色愁開翠黛歌
苦盼世情風一到故人久立楚江湄

初春喜晤耘渠於江夏和元日韻二首

草色芊芊破賸寒廿年重喜舉杯寬文譚記向 堯天

近癸未燕集官路聞諳蜀道難醉面纈紋開絮語清眸

春綠老儒官每愁花事愁中盡一夕梅芬結古歡

憶從文戰技常窮赤驥羸羊自不同燕石竊知什襲誤

面墻誰演二南風頗驚曹子來安定終把人間號敬通

遺種算來行可數君宜鄭重大江東

黃州江船與時齋夜話並懷令兄綱齋

官舸連宵話別棕君家伯仲共平生回思隴畔尋芳日

不盡江邊對榻情赤壁游來清夢好黃州睡足落花輕

相攜頻向岡頭望細雨春帆何處行

黃州道中即事簡鶴羣嗣宗

江岸籃輿路不岐同人次第有肩隨留連莎軟文談麗

愛惜春深野釀知時見叢筠藏古屋偶聞吠犬隔疎籬

新陰樹下清風好折得山花贈一枝

春季過黃陂不晤高鴻旻簡寄

軋軋肩輿露早香孤城迢遞晚蒼蒼新翻柳浪山千疊

舊憶蘭言水一方望隔埃塵淹薊國夢餘烟月滿雷塘

向晤維揚何時襟素閒相對應作西牕夜話長

三月晦日飲太白樓贈澧南

城上樓高太白名，遠聞鶗鴂送春聲。
青莎雨沐明砂擁，綠樹雲連秀黛橫。
已稔年華催暮景，可堪吾輩正鍾情。
惟君不淺登臨興，醉向湏流更濯纓。

同人登太白樓送春並餞別敬亭楚材歸海陵

東皇回駕且逶迤，太白樓前惜別離。
賴有清流延暮靄，相看華髮倍春思。
畫圖平遠臨雕檻，文藻風流膩酒卮。
客裏年光今日醉，綠陰青子記他時。

網齋邀同人月下登黃鵠磯憶澧南

不換芒鞋脚已輕，到來街鼓尚無聲。
山涵夜色天然靜，月向吾儕分外明。
樓曳長江千尺白，亭臨古郭四圍清。
高陽憶得同遊伴，短檻梅花坐五更。

坐大適軒簡澧南

五日徜徉碧玉壺，案堆黃鵠綠模糊。
檐牙直訝遊人度，山色渾連砌草鋪。
聽雨乍傾松芼酒，析醒新品菜花鱸。
神仙自古多官府，輸與閒身擁畫圖。

漢口送網齋北歸即赴澧南荊州之約

又飛彩鷁泛荆襄，綠樹青帘競拂檣。
秧水有情連草潤

柳花無主藉風忙一行鷗鷺窺同侶滿把蘭蓀嗅古香
到日不辭龍楫會三閭澤畔醉端陽

襄河道中簡澧南二首

自是出門交有功故園春色謝簾櫳麥芒猶見侵鎌白
桑棗誰教膩盞紅船趁風來帆影外水車聲在柳陰中
明年此日應相憶漢上何人唱雪鴻

路向龍舟一棹西麥殘天氣紀重黎黃花粉蝶平疇晝
芳草垂楊板屋題豐樂年華人語噪太平村樹鳥巢低
等閒籬落文翁化不斷書聲沸小溪

荆湖舟行

帆檣徐引麥秋天翠繞澄湖水荇牽秧鼓聲消紅日暮
漁罾風起綠揚烟九歌何處塞芳草三戶于今際盛年
太息陳編多紀載風流終夕憶前賢

日暮過聞喜亭僧以土中掘得歐陽公刻石詩索

題即用原韻

韓陵片石真堪語六一雄詞孰與攀休把沉灰咨曼倩
滿懷清興有高閑池頭新雨明疎柳樓角殘陽帶亂山
愛趁晚涼攜石過衣巾撩得古香還

蘭揮典試黔中喜晤於襄陽使院賦贈用歐陽公
和韓學士襄州聞喜亭韻

軺星光照漢江邊天際雲芝得手攀三館舊歡雙旆近
兩年絮語一燈閒楚風歌杏銅鞮陌夜雨青添峴首山
滿棹蓴絲歸悵望驛梅香帶小春還

襄州喜晤邱備菴同年即同遊萬山尋沈碑潭賦

贈用前韻

六載常思折柳邊那知襄鄧有追攀驚看化蝶騰騰夢
誰識眠鷗个个閒風物幾回悲岸谷丹青當日照湖山

潭平不見沈碑字千仞岡頭一笑還

至襄陽不晤李郡佐安公雨中奉懷並憶孫前輩

我山

聲駿題輿踞勝流回思吾道復何求陌塵久隔文譚麗
峴首仍添夜雨愁即看雲霄凌健翮却慙歲月負前脩
琅琅金石天台賦記得城南赴館不

小江口登岸野飲贈澧南

勞歌輕汎楚江濤彬雅移風掉彩毫三峽倒來鳴澗壑
五丁開處走巖嶽印文綠淺生閒興酒面微紅上斷臯

最是白沙青嶂地他時應記月痕高

和澧南同遊蓼池

一夜淋浪湧翠濤芙蓉千仞露秋毫早馳飛鷁尋雲岫
却訝驂鸞度海漱謝客孤吟登絕嶼蘇公徒賦步林臯
同君物外耽竒意不道溟池九萬高

瘦骨蒼龍面面涼青瑤千尺浴蘭湯雲深怕失丹文篆
風過疑聞石髓香倚醉拜來呼作丈何人移去入歸裝
足輕五嶽君休笑看鬪懸猿上下狂

重陽日舟泊江口憶澧南即依送別原韻

微茫黃鵠夢魂知滿把茱萸寄所思幾處漂萍成聚合
斷行征鴈又分離臨風誰發山公興對酒難消宋玉悲
蘆荻蕭蕭秋意晚青山閒煞夕陽時

曩從雨香菴僧徹源得交胡棟居先生時胡年八十
十餘余羈宦二十年歸來問知徹源無恙喜而

寄此

三十年來紫陌塵音華隔斷獨園春空思貧病胡居士

用右丞詩賸有茶瓜已上人花弄雨天香細細門迴隄閣碧

粼粼何時一棹西風便還向蒲團話舊因

辛丑立春前二日東赫司空澹士

冰消又見水東流累日懷人疎酒籌散地歲華春易到
浮雲人世鬢先秋踟躕蕙草猶抽乳早晚東風自轉頭
可奈青天涼月影年年照得兩邊愁

元日

貧家也自覺陽亨東柄還能認斗星蘋藻師儒新設像

齋中祀朱子
暨安溪師

雞豚與竈舊通靈蠟梅疎影日流砌瓦雀

一聲霜滿庭似是休徵關歲事河湟計日報平寧

正月二日同尚友携酒率兩家子姪登玉虛觀看

雪憶庚午冬與高淳吳季舒詩老作此游風景

在目愴悼盈懷因賦長句

三十年前上玉都重來風物一躊躇繞河山色如雲合
帶郭人家著粉鋪蠟屐已携春服侶白頭同佩紫薇壺
醉歌灑墨人何在悵望烟波冷石湖

輓趙司農恭毅公

遂無清望映朝班黃壤猶酸報國艱懸磬空餘三畝宅
寒旌遲向九龍山從來賢路何妨澀到底朱絲未肯彎
贏得名臣佳傳在史家直筆不能刪

書成口占並寄時齋

題襟漢上淚縱橫
 隔歲蕭齋歎轉蓬
 去日猶思江岸雨
 懷人已落海棠風
 遠公橋颺龍團味
 屈子經翻蠶尾工
 幾度登樓君憶否
 天邊陣陣看歸鴻

時齋為余鈔安溪先生離騷注故六

句及之

和稷亭六十生辰卻賀原韻

上巳遙思軒蓋繁
 魚書長望水潺湲
 臨岐海燕纔將子
 一別庭蘭再見孫
 時過呂安思命駕
 學疎揚子歎焚魂
 年來辜負雲門奏
 冷落孤鴻挂月村

路亞鈞陳羽衛槍
 惠然委巷變名場

余六十生辰寓內城有蒙枉祝

早

春靄欲回冰雪

余誕辰除日

來貺清尤沁肺腸

以潮穎宜注見貺

馬

齒慙君多四歲鴻
 冥私我已三霜遙
 知蘭芍同人會
 編插花枝少一觴

何須美宅與良田
 黃色新裝襖子綿
 鵬翼算來原可笑

瀛洲離却轉成仙
 長吟青幄書堂柳
 薄醉紅衣野水蓮
 不是辭榮王內史
 人間那有永和年

柱史騰輝紫氣關
 靈禽寧待倦時還
 東封七鬯安宗器

西畧河湟霽 聖顏便挽奔流辭
 北闕何妨扶杖頌南

山解嘲賓戲真閒話除賦歸來一筆刪

五月十八日滄洲枉過草堂即席見贈和韻答之
六載牙牌逐隊行孤棲野鶴傍荒城豈期月落三秋思
又見風迴一路清醉日晚花迷夢蝶成陰喬木暗遷鶯
傾壺那論升沉事只畏明朝悵別情

壬寅正月和陳軒成別駕雪夜原韻

旱魃從今氣欲降雪花歷亂照銀缸已滋霖霖前朝雨

元旦

又得輕明半夜牕書客還思臨曉案笠翁何處釣

寒江孤清意况年華好風靜時聞吠遠厖

書齋

累夜花燈戶不扃疎梅點點帶華星寒辭帷帳風初軟
春到門闌草自青嬾趁斜暉開白墮已親曉日仿黃庭
誰知蘭茝熏人處又引征車別草亭

時將楚行

過宿州

楚漢夕銷爭戰塵仍無花柳媚通津天開中土原全勝
候轉東皇尚吝春公廨旁皆畦菜地巖城中有捕魚人
聖門記得將車問誰復綢繆未雨頻

宿揚店憶澧南

三美堂集 卷十
驅車裊裊認通津未到清明尚一句昔過記從三月暮
重來悵別兩年春帽簷猶受山花麗盞底誰傾竹葉頻
頗怪夜深渾不寐機聲聊答苦吟人

揚店

荆楚人家紀歲時徘徊堪為補豳詩布機鳴處燈光小
牛鐸聲中月影遲樂意何煩花柳報太平唯有雨風知
還余初服真多幸一片閒雲造物私

衡山香蕈

衡山菇味鮮腴甚香積鹽梅百不如芝蓋將無三秀並

天花取次五臺虛問知小樹毛枝嫩生向南風帶水初

僧言春分後穀雨前南風帶濕氣謂之水南風便生毛枝樹上自笑平章慳骨相芋魁

敢拾嬾殘餘

衡州送春示寧先並嘲潁谷柱中

手把東皇未忍分尋歡且揆使星文擎茶吟就彌明鼎
命酒晴開吏部雲愁向綠陰淹晝晷弄殘紅藥愛斜曛
衡陽峯下春難住試看歸鴻不戀羣

觀音巖

大士石龕浸碧淪蒼龍瘦骨迴嶙峋鑿穿敢說山無鬼

名狀難教筆有神兜率崖在柳州通仙草氣洞靈源在耒陽去

此六接佛燈春身輕便是奚囊貯何用漁郎再問津十甲

寶慶使院六月望抑堂邀同王子若濟孫子斗文

醉月漫賦

空庭香霧傍檐開蕩漾金波共溯洄素影仍堪披鶴氅

清言還擬賦天台印床寂寞秋先到羅帳分明夢不來

萬里鄉思知共減天涯猶散故人杯

七月朔遊周子愛蓮池敬賦

城角孤亭取逕斜綠雲深處彩虹遮來觀可是同予者

到此真慙君子花涼葉未收清夜露初陽已閃半天霞

千秋一滴源頭水池不受他水源 泉終歲不涸誰向靈津問漢槎

遊五臺菴晤金陵雲海和尚

邵陵郭外富烟霞曉色沿江一徑斜芒屨生香盤露草

籃輿拂樹落岩花空將清意傳雙水雙清亭已廢以誰資邵一水取名誰

向禪鋒鬪五車問得已公新句好鄉情縷縷對茶瓜

拜濂溪先生祠

東岩高處拱神靈一整蕉巾肅典型雙水自圍蓮沼白

萬山齊帶草牕青愛遺欲接甘棠渡先生曾署府事今城西有召伯甘棠

渡宮近宜傳畫卦經山下即先生攝篆時所遷文廟料得北歸仰止意
天邊記取老人星

七夕荆竹舖抑堂相對

七夕荷風候館香畫眉聲裏解山裝唯堪犢鼻懸牙仗
莫憶雲鬟拜酒漿宦拙未甘從乞巧夏炎且喜入秋涼
清言多處村醅少坐對銀河一倍長

過楓門嶺將出山有岩澗勝絕

鳥道能先鼓勇行謝公游興際時清但堪禾黍開山堰
間有茅茨傍戍兵岩樹森人龍虎氣瀑流終古雨風聲

枝筇停處思今昔吳越何曾是夏氓

九日武陵使院和江幼曾韻

武陵官舍重陽節滿把茱萸萬里賒峯斷鴈回疎錦字
江寒霜早亂銀砂帽簷風認參軍會盞底香分處士花
料得明年思此日桃源春水隔漁家

雨後天高此會嘉盞簪渾忘授衣賒臺邊勇擲鳩頭杖
盃底霞飛鳥爪砂清影半簾浮桂魄晚香一縷泛籬花
去年尋菊猶堪憶重結柴關始到家

且布瓊筵漱落霞沅江滾滾鴈行賒搗辭匠意爭黃絹

分韻蠻牋膩絳砂堪笑長鬚勞送酒不妨短鬢強簪花
醉鄉便是桃源路何事萸囊問費家

陰雨連宵惜歲華朝來霽色片雲賒涼風快似并州剪
初日紅於鶴頂砂世事從看落地葉人生須插滿頭花
衡南不是無來鴈何用音書苦憶家

見章泰顓和江幼曾九日韻復成一首

一宿輕飈凝露華登臺莫悵故鄉賒解人自有詩兼酒
海客何勞永與砂楚國秋深猶似夏霜林葉老反成花
菊英到處清風在何必東籬處士家

武陵使院小集里句猥先索同人詠菊二首

官舍叢叢浥露英封泥洗盃曉風輕低窺簾影和人澹
滿貯秋光似水明對酒何妨開口笑巡檐猶有見山情
暫違籬下莫惆悵心跡還看依舊清

采采黃金擬泛英晴光拂袖露華輕冷風獨訝今年晚
好月還逢累夜明影上雲屏疑畫稿寒生碧釀惹詩情
諸君共有柴桑興一度清吟一倍清

詠菊依前韻並贈抑堂

殷勤楚客重餐英不用丹砂體自輕日暖繁陰終灑脫

主美堂集 卷一
霜高麗色轉分明問誰能解忘憂意非此難堪落木情
最喜使君詩酒會晚衙回傍印牀清

宋清源愛養菊依前韻奉贈

聞精藝菊編成譜肯把韶光一擲輕有客餐英懷正則
何人泛酒和淵明高華莫擬枯僧相修潔還憐靜女情
况是君家吟誦處悲秋時節楚風清

武陵郊外

武陵野泊似幽尋風物清鮮漾碧潯冬筍班班從琢玉
秋花點點尚鎔金漁郎久斷仙源信新息終埋瘴霧深

對酒當歌共如此偶來江上一披襟

晚棹

何處飛鴻振遠音閒情歷歷楚江潯背霞幽嶂千年鐵

韋左司詩千年
上中兩小鐵

踏日遙天一線金蘿隴魚罾蹲白鳥笠

兒牛背入青林竭來禽向無邊意誰道桃源深復深

津市登岸

輕軟籃輿入曉寒一年好景又江干水多秋草還凝翠
霜淺林楓未盡丹圩蔗新收猶帶葉園柑初市僅盈盤
太平澤畔無吟客且逐香風問澧蘭

長沙贈糧驛副使王樹先同年

曲江憶共踏花人
榮戟光搖楚水濱
詞翰蒸來雲夢氣
謳歌消得洞庭春
韋家經術知無替
劉宴功名媿大醇
老我漁簑無事事
乘風一過話蕭晨

長沙晤宋方伯穉佳

又向周南手重攜
人生踪跡本難齊
宮中劍佩隨龍尾

宋楚藩引
見曾同朝謁

花下機雲共馬蹄

宋兄弟皆
余榜友

湘瑟於今傳

玉籟雪鴻何意踏
銀泥滄浪亭畔頻
年別莫負清襟剪

燭題

癸卯三月自黃州與牧人同舟至江寧送赴鄉試

半月韶光劇可憐
烟波同汎秣陵船
淹留無意皆清賞
領略隨時付短牋
柳絮白來天漠漠
鷺兒黃處草芊芊
玉人翔步雲霄近
江上春風記此年

挽陳河道滄洲先生

失聲天柱忽云摧
帝監於公未易猜
半世黃楊逢閏歲
誰雕寶玉竟烟煤
頭銜只博銘旌換
袞服聊充錫綬來
中夜朋儔人物論
可憐一代濟時才

三徑難忘駟馬頻
那堪凶問果然真
塘開朝報章猶上

三美堂集 卷七 三
袖裏來書墨尚新歷歷湘川無見日悠悠泉路有歸人
傷心累夜平生夢詩酒情懷向我親

久別清河會公音耗杳如邂逅令倩劉長公知其
解臨潁組六年矣稀齡有五尚蓄雲藍欣愴交
并遂寄長句

消息無聞月照梁誰知曲折話東牀陶家長物琴聲在
計相閒情乳食香文會久疎垂戰鞅酒懷只憶共仙航
謂李閣學
公凱先生去君一日蒲帆路欲傍梅村置柳莊

巨來同年奉使催漕過敝邑枉訪紫薇盛開依其

舊賦紫薇花韻和之

誰教踪跡久差池古驛黃華到未遲人共清風來北戶
花妍紅粉鬪西施座間紫氣雲霞近墻外輕香蛺蝶疑
記取當年綸閣靜殘燈夜雨對牀時

木龍亭途次往游黃山

小撥籃輿萬慮空黃山神似一誠通漏天翠滴偏無雨
暑日雲遮又有風長路藏於花影內新詩成在稻香中
散材幸免搜林斧畢此閒身扣上穹

新安道中

唐魏遺風似可希新安景物貯清輝山叢賈客他鄉易
田廩農家惰者稀婦盃肩鳴輕竹去女樵頭載重柴歸
負柴皆縛於頭尤看聚族村居好綠樹雲連草色肥

贈江青城約遊黃山

燕婉蓬居汎澧湘緣延兩處識賢郎謂貞叔正竒聳壑三
珠樹見說流風百歲堂開徑求羊來舊雨垂簾班馬入
濃香門前雲海神仙地可許青鞵到上方

遊黃山訪程脩馭同年賦贈

上第聞辭百里封循陔畢事尚從容頽風庶立原酬國

超世音華已亢宗堪陋鄉人甘下澤偏能無語坐高春
閒鷗自笑江湖濶為訪天都第一峯

宿山口

下社前趨十里程烟籠山口解裝輕危樓疑與寒魘近
就枕頻令倦客驚嵐氣排牕衣被濕溪流終夜雨風聲
荒雞啼亦無倫次錯遣深宵認五更

宿雲舫贈僧廩峯

浸人綠色翠螺天不道雲濤蕩海船山鬼何曾多巧伎
毒龍隨處可安禪貫休能畫猶餘事齊己新詩定幾篇

試看岩堯岩上屋終身高卧有前賢

令師雪莊築室岩上

階口道次

螺髻攢空碧瀏灣一帆風物滿晴川危梁時有垂藤護
斷嶺還多古木連輪水磨舂舟作屋耕山草樹火為田
徘徊真欲移家住不道人寰別有天

桐江

無數水名一道通碧玻璃內行冲融青山綠樹夾相送
雲影天光戀此中頰面百回孰忍唾醒心對此凡慮空
石尤鎮日會我意愛煞清江不怨風

徐州

天上河流帶郭長鴈賓聲裏搥衣裳誰言籬菊叢芳晚
正是園葵壓擔忙海客難教亭駐鶴坡公空認石為羊
石為某
倅鑿盡年來五度奎山塔又看高層挂夕陽

往白雲樓感懷即呈彭門座師

意緒鳴雞催短檠酒場詩社兩淒清孤懷自厭餘年健
舊感偏從旅夢生山閣寒雲猶認影河橋秋柳不勝情
最憐戲馬臺前月霜夜還連曉日明來書至整頓孤
成日照乾夫書來却寄

江湖歲晚獨銜盃
 靜裏光陰春易回
 蝶夢不關青瑣闥
 鳧踪方離白雲隈
余游黃山初歸
 推排填戶求書至
 整頓那花就日開
 誰踏閒階蒼蘚破
 海東仙吏一行來

圭美堂集卷八

詩七言律

甲辰首春友人自鹽城至得滋菴手書知其祔葬
 事畢喜賦長句

春風錦字破蒿萊
 馬鬣成封慰溯洄
 代國何勞垂索贈

郭代公在國學有告貸謀葬者命以車來舉四十萬錢付之
 石卿堪笑拽舟回
 新年

吉夢頻占鵲
 好客臨門正放梅
 為爾身輕禁不得
 夕陽

把酒一登臺

幽興

雲水心情豈有涯
飄飄初下紫鸞車
清宵短咏輸桃葉
空腹臨池艷韭花
纔放梅梢銜淺月
新開堦面落輕霞
朝來喜色眉間動
又說仁明播詔麻

三月六日即事遣興

占盡春光傲紫虛
捲簾清潤曉風初
貧家易到無懷氏
長日能銷有味書
婢貢園新諸葛菜
兒慈江饌鱖刀魚
朝來又見眉端喜
千里蘭言惠索居

安居

轉從寂寞見精神
擾擾將車莫問津
入座半為求字客

敲門多是贈花人
端居閒占書田富
夜氣清銷酒國春
敢說道心容易長
五州紫府不須論

一暖茅檐荷主恩
誰將樂事付閒身
唐詩看到僧無
可古隸摹從蔡有隣
文字路途羞老馬
雞豚鄉社拱親
臣石田辦得催租吏
蕙帶荷衣日日春

春游

乾鵲檐前報曉晴
郭門纔出眼先明
一年春景成忙事
今日風光為野行
塘水淺教難作浪
山花好在不知名
歸來卧聽雲英奏
夜課兒孫誦讀聲

題鹽城卞氏牡丹紀異

仙人漫上清平調才子休誇錦被堆五百年無新色樣

葉疎十三世守舊根芟憑教異質渾如土只此丹心未

肯灰富貴從今題品誤忠貞門戶兩崔嵬

香閣雕欄過眼空年年疎落對春風羞推冀國平頭紫

敢道楊家一捻紅百尺龍鱗輸茂節仍歸復活千齡龜

筴並神功必作災祥誰知卉木堪扶世不與齊諧志怪

同

芍藥

牡丹開後見繁花又覺風光拂檻斜失喜錦鋪連樹色

不妨春去正年華興銷邗水圍金帶夢斷豐臺爛彩霞

誰壓晚芳成洛譜相期歲歲守山家

彭門座師以五月廿九日七十稱觴余將有都門

之役寄呈長句為壽

河朔傳觴自一軍後堂絲竹擬平分冰弦竟隔移情海

霖雨空慚出岫雲只想荷香飄舞袖徒勞柳翠拂征裘

十年門下還來客共把龍鬚解繇文

夜坐

客去黃昏蜂散衙湘簾垂地掃晴沙晚風聲動琅玕竹
 新月痕生茉莉花取次蟲吟侵砌草依微螢火上牕紗
 誰家怨咽高樓笛滿抱秋思冷露華
 盆松
 遠心偏向後凋君盆供新從泰嶽分石賸一拳堪作伴
 鶴空獨立想為羣茶聲認落湍根水香篆疑生覆頂雲
 休笑支離短實甚虬蟬欲撼徒紛紛

仲冬喜李廣卿館丈偕令弟上卿爽卿暨姍表鄧

幼季孝廉過訪留飲賦贈

空齋瓦雀噪簾櫳有客臨階架步同中表並時稱顧陸
 通家一笑是膺融襟題繭紙霜華白籌插螺卮夕照紅
 幸得嚴關留雅會不須祝願石尤風

乙巳元日贈劉縣尹愚菴

報政新聲衆口傳陽回律動武城弦三農雪瑞盈殘臘
 十日春光入舊年元旦前十日立春梅蕊香先金鼎麗酒波清
 映玉壺懸家家膏雨桑田徧不憶蓬萊近日邊尹曾編纂殿閣

清明前二日朝食罷貽書頴谷漫賦長句

野老盤餐日易消索居物換又錫簫頭葦脆截黃金段

辨豆森抽白玉苗
舊卷溫尋驚夢醒
故人音信隔江潮
春風春雨年年有
顏巷襟情共一瓢

閒興

何須種橘滿江洲
可似山中萬戶侯
墻下春叢諸葛菜
園邊露摘馬蘭頭
腐餐一飽閒天地
魯酒三杯卧斗牛
唯有睡餘羞嬾慢
九歌訛字不曾讐

涼至

桑榆逐暖得閒身
暫憶高冠辱侍臣
未必流言全貝錦
須知投杼乃慈親
風棱曲遞梅花信
霜氣能生竹葉春

最是茅檐烘背日
九重欲獻道無因

贈菊

秋花浥露未香殘
錦繡還從籬下觀
高賞名賢題作隱
含英遷客比於蘭
何曾經雨原如洗
縱有新霜儘耐寒
最是東臯舒嘯處
徑荒猶得並松看

歸去壺觴菊可人
紅薇開罷竹籬新
誰曾冒雨尋高致
自泛忘憂結古隣
搖得輕枝風澹蕩
散來疎影月精神
莫言晚節香無幾
直逼梅花占早春

偶成

多情樵斧喜搜林透網金鱗影自沉至味偏鍾晚食肉
天聲倒在無弦琴墻邊易見忘憂草耳際時聞解語禽
閉戶先生成獨笑東方一士寡參尋

詠古

天風吹嘯落塵寰鸞鳳遺音似可攀南國佳人空皓齒
東方一士好容顏椒蘭芳邈千間厦齊魯青遙萬古山

用朱子句耿耿不能盈一掬逝將枝葉與全刪

十月得竹靄書並貽自畫山水二幀

袖中香草本無塵歲晚離思迹易陳白雁過來天遠近

黃花開老酒逡巡心遐諒少晨風翼門冷宜疎舊雨人
賴得南金雙有贈山堂掃翠滿懷春

甘懷園新築有贈即用賤辰枉祝原韻

風流上佐劇丰容新築城隈最後重矮屋鸞環連洞壑
小山縮地九芙蓉臨池坐舞游天鵠潑墨晴飛破壁龍
老我杜門時欲往路迷多恐白雲封

歲序將終成日照以海鮮見餉並示三詩既和五

古二首復依韻酬其長句

鬢髮婆娑隙影侵轉勞飛札話升沉蠻金觸鼓原無事

瑤海冰絃別有心自合凡夫迷綠字幾時百兩嫁青琴
春來報我登車信翹首蓬萊五色深

項澹齋歲暮以札幣來問却寄

顧影何堪日昃離江湖歲晚結愁思誰能命駕輕千里
恰喜梅花寄一枝曖曖曝綿春有信霏霏香篆字還奇
驪珠懷袖無窮意酒滿琴清月上時

寄金南廬

摩空翔鶴海天姿脉脉關河寄所思自有白雲輕袞繡
誰能青鬢狎尊絲閒中事業千花麗忙裏光陰萬卷知

儼買漁舸隨畫舫吳山越水淺春時

丙午三月晦日答王遜功同年兼餉炭米

蹠躩東皇歲又賒金蘭常歎楚雲遮探懷復喜擎珠照
顧影俄開著眼花香艷紅羅上方排鴨嘴飯抄白粲沁
麈牙懸知飽煖三冬足努力殘編報歲華

三弟以並蒂紅鳳仙花來寄次韻

名花來自白鷗鄉堯水猶難洗艷粧新葉臨風翻翠鳳
鮮衣濯雨並紅鴛紅鴛見韋莊詩雙飛社燕窺還住合蒂池蓮
老再香正是蘭卮堪佐賞晚涼遲爾共相羊

同高子竒暨三弟尋菊至盧氏卓氏黃氏家

秋賞還同春事忙
尋花隨地有年光
盧家門閉雙桐樹
卓氏籬開舊草堂
錦爛全欺霜色冷
泉澆猶帶露華香
城南叔度蹊間滿
笑憶宗風第四娘

丁未六月暑雨獨坐

東嶽行雲去復來
兀然物外且徘徊
空齋牛鬪還從蟻
昨夜蚊聲竟是雷
積雨易教蒼蘚合
闌風猶攪紫薇開
晚涼盡殘玫瑰釀
集木臨淵一放懷

答寄江幼曾學博

瑤札聯輝重講堂
憐余息影逐榆桑
知甘苜蓿空盤意

肯負風雩胄子行

用杜工部衡山縣學堂詩

玉軸新秋臨海嶽

米顛在連

水有遺刻

金英舊句艷湖湘

前在湖南多咏菊佳句

門前東望長河水

渺渺何時一葦杭

秋眺

秋風一縷入枝筇
古觀高層最眼明
賸有悲心輕楚調
慙無多興繼唐聲
帖霞鴈陣長河影
帶郭人家落照耕
歸嗅菊香三徑在
壺觴深對酒痕清

偶書

毗蘭洲莽本天經嫫母蛾眉豈定形那用蘇烏頭更白
何妨媿冢草還青歸來未枉征夫路寂寞猶存問字亭
銷得山花和魯酒十年不字轉娉婷

空山雲起雨將成半畝廬間有八絃向子探經貧勝富
韓公得意老尤明洛中風月原無價海上絲桐別有情
會得員行方止趣休將棄世枉君平

閒中事業也崢嶸堪幸餘齡擁百城長日一庭花爛熳
狂書幾紙酒縱橫棗梨嗤抵八龍盛鼎鼐看飛六鷁輕
敢陋東封云報國竊崇仁讓答昇平

誰能無事一牕前從賦歸來已十年梧竹交陰香茗夜
院庭清曉露蘭天塘抄日見勤民 詔家塾時新課子
篇唯有太康良士戒盤盂几杖費銘鐫

詠蠟梅

翠盃芬芳莫外尋孤山名號體鎔金無花時候香尤遠
積雪堦除色轉深謔我寡儲懸若磬重君晚節素為心
年來僵卧疎朋舊歲酒融融共一斟

戊申元日詠蠟梅

東風一夜轉韶華梅冷仍看蠟作花疎影日搖新橘柚

攢枝香綴小枇杷不煩驛使傳芳遠休把逋仙贈句誇
打疊歲寒心事就敢矜餘力冠春葩

自嘲

五載盤旋半畝居清時禁網已云疎十洲幽探方輿
紀萬里程遙聖哲書自可山阿乘赤豹未妨河許逐文
魚連宵更被莊生蝶勾引騰騰徧八虛

七夕陪王復菴同年旅館夜話時復菴晉副憲赴

京為贈長句

蓬門七夕正傳觴鷓鷯猶然問舊行已兆暎乾作霖雨

還憐寂寞仰秋陽

同歎安溪著作之精

宦途久信揮蛛網別意何

煩駕鵲梁此去太平欣一德老民無復歎榆桑

中秋夜雨簡令民姪惜其悼亡

桂魄圓來聽雨聲東風吹斷西風晴原知事事心難遂
安得年年月盡明竹葉有情凝綠閣蓮花無語墜紅輕
姮娥豈忘游仙客一隔浮雲夢不成

和抑堂見貽原韻

龍行蠖屈自開收語嘿何分與道謀盡卷由旬同結夏
行河緣督似防秋枕流自分成嘉遯利涉真堪穩作舟

減得離情忠孝意簡書畏併倚門愁

抑堂小憩臧氏園亭約往夜話暢然有作

勞臣旌旆息塵囂候館臨河未覺遙飲吸蓮莖拋玉琰

戲撐絲網放銀鯈所得白魚深篁不認常來路穩步能

過獨木橋花窖松棚久零落倪家花窖封氏偃松殷勤

又荷夕陽招

秋意

辦得長鑱與短策人間何事勝烟蘿少年好作釣天夢

老節惟親擊壤歌夜半喬林風響厲朝來茂草露華多

一簾秋思從今古不礙閒牕貯太和

閒居觀物見時和往事騰騰味澗阿草木花時生意足

院庭空處太陽多雲堆晚夏層峯石月漾中天錯彩波

最是遺經不相負春冰虎尾下平坡

對菊

漫天霜氣糝黃金采采籬花老故林半榻遠香清晝迴

一簾疎影夜燈深應呼野客臨風醉那負先生冒雨尋

鄭重無弦琴在壁知君能譜歲寒心

書意

自笑原無憂可埋我生何事待安排石泉幸未辭幽耳
田父從來有好懷客至微嫌花礙路坐慵翻愛草侵階
書聲誰遣多酬唱滿地吟蟲半部蛙

菊歎

金英花爛聳高枝桃李同芳笑滿蹊近日名園爭窈窕
向來野客自棲迷可堪捷徑盧藏用怕有移文孔稚圭
眷我籬根殘瘦本寒燈細雨對吟嘶

書意

家在陵山第一隈誰將心事惹塵埃書中文綺花千本

檻外長河酒一杯客自不來加雨謝門原常閉偶風開
安居久斷游仙夢不信蓬萊勝草萊

幽處誰將塵事除桑榆歎擲景光虛迢遙使至催回札
宛轉人來索拙書避日灌花教早起迎寒釀酒看新儲
杜陵老大妻孥戀空說禪房心地初

守分安閒即隱淪城隅風味一荒村羊裘老子星猶爛
螯李先生井久智蝶暝烟寒棲菊檻雀窺簾下飲荷盆
人生位置煩天定漫把潛夫仔細論

八極神遊未有涯九州閒處是吾家蝶迷花影蘧蘧夢

鴈帶晴風字字斜把卷疑團墮烟霧懷人霜氣老薰葭
莫教草次頽陽去炳燭容與問歲華

自是時中聖所臧世間榮辱豈行藏求人到底為謀淺
反已由來取味長簷菊攬枝迎雨氣牕蠅彈紙趁曦光
小車行處能觀物安樂從來在洛陽

坦然斗室靜紛拏何必雲峯讓泰華清夢久同花上蝶
無疑寧見酒中蛇齊諧志怪都常事老子韓非任一家
閱盡世情心似水虛舟日日泛靈槎

顧影桑榆歲月虛生涯濩落幸樵漁從來不道事功易
到底難回心地初蠖屈情關天下士蟬枯老殉篋中書
龜頭陋室堪銘處漫笑雲亭與草廬

自笑扶犁手不倫折揚一曲頌皇仁久從豹步迎山
鬼靜玩鶩經養谷神葦箔縷香全御氣鑿坡舊草拂煤
塵心疑鼓腹含哺詠本是唐堯老侍臣

答心友代柬

江湖渺渺結愁思款戶書來問者誰秋月易孤蒼語亂
寒雲不動鴈行遲世情曲折原多故吾道艱危定不疑
新酒熟時菊正放人生只合老東籬

已酉晚春

又是東風好歲華全疑春色在吾家竹長影外飄新燕
茶熟聲中掃落花西討羗戎恬市里東治江海莫桑麻
太平擊壤心何事駑馬還矜勝渥洼

田家

田家氣味近巖阿倍覺年豐景物和麥子黃時蝶翅粉
棗花香裏牧兒歌炎風茅舍村沽軟長日陂池柳蔭多
只笑邠人少庶讓千倉百室祝婆婆

曉起

添衣五月覺涼生曉起雲陰障碧空傾耳有聲簾外雨
吹書欲動硯頭風誰憐餘麥還棲畝且喜疎花尚逗紅
漫道閒居閒不了紛來詩思滿房櫳

閒興

十年不泛斗牛槎上下林狙任獲拏正以坦夷酬險仄
誰從枯落見芳華堦前易長妨行草廊下偏開不種花
唯有蓬心危獨處一經準當倚叢麻

幽情

山堂似比水尤明最是閒居見物情酒伴強人先自醉

碁兵舍已只貪羸雨餘蝸度銀泥路風過蜚鏗玉磬聲
漫道奢華貧士少還能插架擁書城

庚戌立春日口占

閒迓東皇隔歲來

節在巳酉十二月二十七日

石欄淑氣醒枯荻粗

能人境無車馬倍覺歸身暱草萊硯沼冰從幽幌泮梅
瓶蕊就煖窻開尤私展卷欣意靜裏春先萬物回

立春次日日閱塘抄喜賦

寶訓雷轟傾耳仁雕金編貝豈堪論九幽不漏三光照
一紙能回萬國春久訝鸞凰狎狐鼠縱餘豺虎化麒麟

堯天舜日桑榆暖自換頭銜號古民

題齋壁

舊巢風雨守淒淒桂醕芸編老屋低蝶膩尊前浣金粉
蟬埋書裏煥銀泥愛閒真是憂堪忘寡怨原無怒可齊
客去歌吟聲滿聽東家知在隔牆西
倒翻海浪拂埃塵蘭佩蕭然閉戶身鸞鶴已從排羽駕
蛟龍何用遣梁津熱爐灰蘊疑無火冬萼開遲反遇春
最是絳雲舒卷在不妨領畧獨閒人

答汪少司農荇洲先生札問水災並志懷思

老屋猶搘枕隴頭感勞飛札問陽侯立看周禮行荒政
徧荷堯天失澤流夢舊尚同花事讌懷人空對鴈來
秋最憐淮浦陵山月一片清光兩地愁

偶感

七尺昂藏狎五湖枝求息處盡平途離禪自有須彌柱
反已當輕六甲符處賤由來工玉汝不躬恐已失金夫
西城半角荒園樹穩帖寒巢下晚烏

辛亥二月朔緡閱書帙得安溪先生保定行臺元

夜同孫莪山諸子觴月八柏軒詩僂指與末座

時已三十三年先生騎箕尾十四年矣感愴追

和用韓吏部原韻

赤文零落隔音塵憶上仙航賀紫綸柯斧不存看未了
海山猶幸到曾頻徒充聖籍三千數多占人寰十四春
有味閒年宜炳燭當時元老羨收身

九日閒居感懷

今朝霜淨益淒清難遇重陽一日晴籬菊蕭疎淹蝶夢
院庭空寂厲鴻聲累編讐字臨殘照應客求書命短藥
莫羨登山呼酒興十年閒得本崢嶸

秋末書齋閒坐聞流丐乞食

巡檐亂菊也生姿簇簇頽黃映短籬楚地秋來多感興
堯年水後減花枝老懷較向淹中切銜貺偏當若下私
賸有驚心鴻羽過鳴聲易惹上穹知

記師訓

餘年佳興正從容蕭遠閒身占海東社酒如傾仙掌露
官船幸阻石尤風澄懷有觸多書味訟過能勤近聖功
日夜坦然形影在千秋畢世與今同

末句即安溪先生札內語

自謔

十載詞曹抱犢耕誰開堂以賜閒名鄰齊氏族原東海
帶郭方隅笑北城喜雪生來寒骨相愛花不似老風情
怒猊渴驥吾宗事日日臨池媿不成

冬至渡漕河掃墓

堤閣沿迴疊斗門蕭條檉柳認前村霧霏雨屑迷山影
冰剪霜棱壓草痕疏水功遲劉老澗贈花人近沈家屯
懷襄過後陽來復岳牧端能播

聖恩

謂撫軍尹公

晷影初長冰未堅水荒民氣復 堯天重陰鴈過知無
雨上冢人多驗有年蹙縮虬松村塢靜歲蕤驢袋草橋

懸歸歟晴日霜田潤花放茶梅正午前

望弟與兒歸

骨肉思還望遠頻凍雲寒月少精神正當稚子迎門笑
不見征夫邇語真冬尾全疑無歲事足音入聽總歸人
圍爐想是明朝喜夜半燈花穗穗新

壬子初夏偶題

百卉芳菲庶子觀一年一度再華難人情熱處忙奔馬
我意閒時漫倚欄入夏尚留全樹錦三春多賴勒花寒
後先冷暖君休訝早盛何如耐久看

題齋壁

夷險寧妨一節身蕭然三徑想先民間年春益農桑老
小院風清竹栢真失馬原無飄瓦怨同心不少斷金人
惟餘嬾媪中宵媿六籍何曾算問津

余謝館職十五年矣三弟癸巳雋後家駒無入秋
闈者兄子韶之次子學清今方往應鄉試七月
九日小具盤餐一堂合酌午過雲蒸大作雨勢

俄而陰翳全消月輝布席喜成倡句索三弟和

篇

傳薪豈問不然灰坐看乘槎興復回同氣芳猶聯桂萼
晚香風又動蘭荑殘編世業三支競接地雲陰一笑開
來月戰文原此夕娥輝先已湛深盃

依韻酬同年須鳳苞宗丞見寄

升沉擾擾許心同再過蓬廬僻海東聖代共瞻麟鳳

日去年鳳見易州今年麟生鉅野此身原任馬牛風酒狂競畫長沙策

鳳苞曾言西征應用金城方畧余喜所見畧同面熱慚呼太史公自謂閉戶課兒

天所賜車無輪轂舸無篷

也甘靡靡俗流同憑挽江河不倒東老我守株存夜氣

壯尹見獵露英風竟從息影雲歸岫不數凌烟爵上公

最是秋光聊賞汎小溪舴艋一蒲蓬

夔龍巢許將無同野飲籬間贖菊東改屋前邊顏壁雨

住船時節打頭風無勞文舉藏張儉漫向陶朱認范公

漁艇寒江簑笠好恬看海艦鼓高蓬

癸丑正月六日夜夢室中榴花初開與黃楊同作

盆供朦朧得中兩聯醒後足成四韻

朦朧幽意忽相關花事參橫斗室間牕靚晴搖紅灼灼

帷深雲疊綠斑斑偶然客過能勾飲時引文思不耐閒

懷抱未開年節換今宵粗識好春還
歸鍾別駕所藏唐子畏畫卷奉簡長句即依子畏

題畫原韻

馳毫灑墨見前修心手相師取徑幽野水鋪光歌柳畔
遠山疊翠禿松頭不容言說充然意正敞軒楹一片秋
趙壁誰云歸妙跡醒時思味夢中游

方石川同年令姪洵遠以所畫山水寄贈並系以

詩答謝

榜友方干想令儀清門蘭玉復華滋仲容並世原林秀

摩詰前身又畫師佳客賞酣無事酒閉門飽作遠游詩

兒曹更不投東絹王宰難留水石奇

答元奉國

札辭兩妙儼唐岷世好從知慶所鍾字勢流風動金石

杜工部稱李北海句詩葩太白詩如水菡芙蓉丹山有穴雛皆

鳳雲氣常噓種是龍宗哀九原含笑處浣溪酷愛汝陽

封

偶書

日行高度蔭虛廊簾捲眉開底事忙名集籐絨新刻樣

賢臣塘報謝 恩章幾枝榴火炎天色 一朶蘭花滿院香 最是微涼消受處 薰風陣陣讀書堂

甲寅九日依韻答喬介夫

美君詩格配王灣對菊懷人秋水間花徑好賓成隔歲

錦囊舊句憶看山

去年介夫枉訪談次及余罷官時往游西山始歸有詩見贈未寄因書牋

留玩乃別

纔無風雨誰高會笑把茱萸映醉顏鄭重巨卿千

里約月明且莫閉柴關

介夫詩有仍欲扣關過訪語

乙卯午節姪男韶家盆荷忽開一花揆之氣候早

半月餘共仲子學清將應試秋闈觀者或以為

瑞觴際成詩索三弟及汝峯和之

一朶猩紅午日蓮魁芳蒲艾酒盃寬朱鱗光躍榴花艷

秋兔祥徵桂萼丹漫道文人誇玉井先勾游客駐金鞍

即今出水初陽麗堪憶當年太液觀

丙辰三月廿七京師邸夜夢書齋盆中朱菊一朶

穆亭見過呼小溪問云此是曲江紅種乎小溪

諾之未幾即寤

斗室晴牕暖意烘孤撐猩血點芳叢歷經寒歲千崖雪

何處茱萸一捻紅囊種南榮傳貴格

菊以囊盛置南簷受風日開春種之

炊烟西泛總融風宵來我友香心晚共認濃春造化功
令民姪登第喜賦

昨夜春陽入鬢絲朝欣蕊榜放佳期十年風雨譚經久
三世馨聞食報宜柳陌齊開八駿足梧岡高刷九苞儀
祖宗功德原叨廕大耋來同宴後卮

新乘泰運倍明昌莫比儕流鴈鷺行閩海文規儼鄒魯

令民年來篤志安溪之學江陰表薦壯巖廊楊江陰指名上薦遂選詞林簪裾敢

負詩書業姓字須標史冊光老幸雲程看萬里贈言不

覺露肝腸

九月末旬送綱齋往易州

恩湛餘齡結古歡髻童知契尚金蘭文章猶待磨礪定
尤悔相規藥石難秋老幾曾經月別歸程遙擬小春殘
却思行役關忠孝下馬擎杯帶雪乾

三美堂集 卷八 詩 五言排律 七言排律

三美堂集卷九

詩 五言排律 七言排律

送宋山言督學兩浙

敷教原家世觀文播 聖謨 恩光優舊德經術煥新
圖井野纜徵士吳山又領儒茲行宣典訓不日雍榛蕪
書義彛倫繫心聲禮樂俱燕臺先市駿滄海豈遺珠猶
憶同桃李今慙別驥駑文章為案牘縫掖占官胥似剪
溪山賜尤便詩禮趨清風原有閣藻鑑已名湖藉古方
酬力初心詎肯辜政成膺上賞麟鳳際軒虞

都統趙公以勲胄累建戰功與平吳逆遂留鎮滇
南勤瘁以卒蒙 恩優卹未荷易名嗣君總督
河道積誠陳請 予謚襄勤為紀盛四十二韻
聖治先忠義人間有孝揚易名罕追錫鴻典會重光家
券山河在國楨杞梓良終軍雖弱小祖逖竟昂藏猛士
知神駿材官失蹶張大都聞股慄伊孰並有行虎嘯騰
風力星寒拂劍鋌汾雲邊幕黑朔吹塞沙黃烽戍連巴
子車書走夜郎門庭容莽伏蛇豕更陸梁專閩雷轟耳
乘鋒穎出囊軍容新虎竹戰格舊龍驤惟有橫衝過兼

能決勝長子龍擠漢水充國制河湟浪靜昆明地霖蘇
劫火場遺氛芟草蔓作鎮固金湯蠻服銷頑梗虞廷肅
拜颺人欣冬日近天落將星忙忠武全無恨文淵已返
喪 帝恩誠悼卹天意想微茫不待公侯復旋看似續
昌父書羞漫讀先訓見於墻聳壑昂千尺超羣隘八荒
長驅輕定遠小試類王祥成績環江國高牙盡海疆名
聲依秦嶽寵重寄宣防春漾桃花靜秋平瓠子狂共稱
為代傑即此是家慶報本惟精白陳情向上蒼淋漓言
怵耳哽咽淚湔裳懋乃勲猶在欽哉篤不忘當年 褒

葬祭此日 予勤襄綠字宣幽宅丹心炯太常鰲頭知
 不朽馬革轉生香潛德孚公議明徵煥 國章法同貞
 惠合榮比順平強 趙雲追諡順平侯時論榮之 與國森貌虎靈山穴
 鳳皇義峯何崒岿孝水自汪洋寒雪陽和釀紹庭青史
 芳風雲推兩代日月麗三綱受者銘金石聞之滌肺腸
 聖朝留盛事千載永相望

恭賦 御製吹律考中聲十二韻

表影剛如度葭灰動一陽書雲標令節迎日爛宸章
 因識天心正從知 帝道昌休徵符太史乙夜見羲皇

候變黃鍾合音調翠管香潛雷冲地氣五酒味天漿希
 淡無為像平中有道將心原印周孔聲自叶宮商履節
 真相應吉禎未可量御龍回舊轡儀鳳下新簧幸際河
 圖見何須寶鼎祥禹陰方愛惜午漏正初長

鸛羽扇

鸛羽堪為扇編成意已幽參差還比翼轆轤自駢頭緝
 雉文方亞披紗薄共浮元規塵障少諸葛羽儀留本叶
 占風性應無執熱憂南薰長在手不羨五湖秋

詠新竹十二韻

渭川遺種在淨直出牆隅自有千尋勢何堪一日無涼
生風瑣細影帶月扶疎籜委文蛇蛻碧齊翽鳳梧參天
雖有待拔地不嫌孤截管雲門奏垂竿任子徒已能持
節槩漸可繞鷓鴣憶昔栽移始辛勤畚鍤殊封泥平幹
本築隴護鞭鬚醉日仍探曆禎方預作圖平安勤有報
嘯詠始能俱雨露園翁手時時仗爾扶

賦得霽河千里曉橫銀

天際靈潮近無聲落九垓斗杓斟不盡風力砥難迴浩
蕩晴霄麗空濛曉霧開榮光分露掌素色接天臺濯錦

和雲亂浮槎舞雪來為章徵壽考多士仰昭回

送同門李思亭聞母示微疾歸省

需次來京邑淹留歷歲時每因文酒讌欣把蕙蘭枝方
擬過無度何緣去有期眉黃鄉國盼心動旆旗隨雪舞
梅花粲江寒竹葉卮雲從望中近日向愛邊遲萊服誠
堪戀潘輿或可移清平祿養好為誦白華詩

紅苗歸化恭紀二十韻

再見堯天大纜知禹服長紅苗隨下吏赤縣到深篁雖
是寰中地難稱腹裏疆于今始開闢自古未馴良景運

關成命深仁見文 皇檄休傳父老策不用河湟慎重

持兵力從容固禮防惟移今鎮以五寨司為門戶康熙年改 誰問漢辰陽紅苗本漢地舊

鎮移沅州總兵駐劄鎮草 遽爾千村出何煩五寨強

擊拳誓歸化斷髮永尊王恐後傾幽峒爭先躡複岡睚

眦猜漢語顛倒著冠裳近壤依夔子雄心失夜郎猿猱

奉丁帖鷓鷯訝封章異事騰書冊新聞詫職方天甘呈

輿衍地敢任包藏昨喜恩無度 嚴綸官有常清風

共知爽戴日不分光保泰寧屯潤疑庥定繫桑從茲看

德讓千羽舞行行

春雨愆期 上躬禱黑龍潭甘澤應時恭賦十六

韻

未覺愆陽久深欽 軫郵頻疚心憐庶正奠玉肅明禋

尚顧齋宮逸仍催法駕陳桂旗前電繞芝蓋引雲屯曠

野暄無際靈湫儼有神誰能限三日便似應當旬繁密

初臨夜淋浪竟嚮晨鸛聲高永漏龍骨徧通津桃莢隨

時淡槐芽一色新清和宜導夏薄冷欲留春霧護青畦

嫩風披碧浪勻祈年先示兆樂歲定無倫舞學零陵燕

功輕版築人殷憂開化籥生意滿 皇仁饒有絲絲影

遲當杲杲辰萬方將獻壽會淨九衢塵

恭賦 御製烟輕柳未絲十韻

烟柳迎初候風光似有期等閒吟眺遠到處物華滋天際憐新靄臺邊認故枝差將青漠漠胡尚靜垂垂拂曙低山郭撩寒對水湄村炊任孤直草色並依遲薄霧猶嫌重東風且漫吹澹於騰野馬瘦莫鬪腰肢轉盼籠花潤旋誇弄日宜氤氲油幕膩爛熳釣綸隨回想春陽始彌欣大化熙希聲符太古待臘靜無為

初秋 上駐蹕口外湯泉恭紀十二韻

秋省留温谷邊垣駐耿光每從 天仗過彌識地靈長

雲護丹砂井烟含碧玉漿蒸騰龍虎氣歎薄蕙蘭香樹

接離宮影去熱河行宮不遠旌分獵騎行樂聲雜蕃部土俗問

名王晞髮臨魚檻風衣倚石床五行兼水火四序併炎

涼新德宜靈液寒垣即 帝鄉茸茸幔城地簇簇羽林

郎肯起驪山殿寧同洛水觴仍聞大風咏河漢仰 宸

章

西山積雪

瑞雪經時在西山入望勻罡風吹不散初日照逾新松

粒留天界雲容失地垠樓臺爭氣色水月亞精神幾道
泉為玉雙標闕是銀靜堪參太古清稱卧高人一簣勤
依案如坻兆取陳陰森生意足青碧釀前春

送許海寧宗伯致政歸里二十二韻

越棹輕千里堯年正五旬懸車明盛事樂志太平身有
美恩華備無慙本末純睿情留振藻儲翼選敦仁
化澤南邦雨官聯北闕春績成兼內外器利一亨屯自
上河平頌旋司地部緡六卿專爵秩再命典神人鹽鐵
希聞論文章擬返醇隱之無煖席叔達久嬰鱗稱得名

儒薦

薦自安溪先生

完成下榻因

先生初下榻於魏蔚州先生第

方儀威鳳瑞

遽與片鷗馴學想甘盤舊詩榮賀監新湖光鑑毛髮松
色上衣巾醉入耆英社閒垂渭叟綸詩書當歌舞禮讓
狎鄉隣客命胎禽報濤看戰馬駢棟華鮮晚照蘭氣滿
芳津廊廟深懸戀烟波賜老臣引年符古義仰範重
洪鈞躑躅宮牆仞蒙茸藥籠塵願徵三老近早晚御蒲
輪

賦得潤物細無聲

微雨乘春令紛紛向夜陰已能宣木德不用借雷音影

落明缸小清分遠漏沉新塘舒柳線舊隴認秧針帝力
催三事田家抵萬金陽光雲外照隱識化工心

怡園楸花

舊德空齋迴繁陰落半區高花羣卉映危榦曲欄扶紫
萼輕疑墮清芬澹欲無點脂勻蝶粉抽絮吐蜂鬚碁響
疎簾碎藤垂別架虛城南餘咏在不覺酒傾壺

梅定九先生壬辰年八十大壽安溪師祝嘏有作

同人繼聲余經歲補獻三十四韻

文望北樓近靈源宛水長巨人寧世出絕藝得明揚憶

昔燕臺畔常依泰嶽旁大文彌噩噩墜緒起茫茫榮祿

輕三策中西貫九章賦言驚紙貴先生有璿璣玉衡儀賦擬作一時競傳

製重金相先生自製儀盤十數面思至神來告疲因樂

此忘發蒙工啟鑰開誨必傾囊異授仍修古真知喜共

商每逢花月地亦入咏游場棠藹三間屋藹棠軒在保定撫署荷

清十畝塘保定城畔有蓮花池藉糟如戀戀鬪句亦煌煌鄒衍談

無忤弈秋局對張寧徒畏精核到處有和光但覺餘歡

愛何曾見否臧逍遙榮啟樂擺落接輿狂諧世原無意

潛修自日彰上船天子召操筆冢卿行舟次給筆札與安溪先生

同時試
詩律

帝謂憐龍馬雲書舞鳳皇身名隱猶見志業老
逾強別後山川間塵中日月忙慙懃新夢想歷落舊心
賜奉 詔元孫至欣聞八袞康紅藤雖在手白日不依
床祠壤貧謀徒困空餓救荒感歎真不已酬報那能量
宗黨今安堵新宮已上梁家郵來旦暮異數 賜賢良
鷹隼辭絛銚驪始服襄勞生遲祝頌期月念旁皇道
氣瞻猶紫秋花看又黃年頭過渭水曆面換昭陽逃謹
誠無計排嘲或有方少微承朗曜欲趁萬年觴

癸巳十二月廿八日 上躬祭太廟恭紀

聖祚垂衣久神宮合饗誠常時敦本始備禮答昇平

鑿路風威靜齋寮雪意清班聯齊象隊更點趁雞鳴連
扣霜鐘徹雙移蠟炬明從官微辨影步輦肅無聲玉瓚
三登獻雲門九奏成星光低劍珮松翠上旃旌香任墀
邊繞曦從殿角生嘉祥臻歲晚泰道際陽亨純嘏三才
會歡心萬國傾仍聞祈穀 詔親祭下春耕

安溪先生讌集命賦陶然亭秋望限韻

勝地公餘憩尋秋躡此亭流光隨蟋蟀遠意有榛苓雲
去山皆見颺生樹可聽已當辭燕社何處得鴻冥斷水

懸孤岸高城落半坳鳥馴時下砌魚靜不開萍氣識函
關紫眸留阮籍青露寒蠅掃跡風緊鶴梳翎意自無言
喻杯難到手停甘紅繙荔譜香碧試茶經豈是芳時短
渾忘明德馨清言各領取座右足箴銘

咏牆隅小竹用杜工部贈韋左丞韻

無心直節見不是虛空身除地何言陋栽根多用陳渭
川千畝種湘水二妃神弄影臨風好初移得雨親抽枝
將計个出笋不分隣碧管垂華藻青漿漱玉津丰標誠
灑落意味亦清淳自可銘勲伐何妨寄隱淪評茶開箸

裹釀酒賽梨春掩映籬縈蔓輕颺榻掃塵興言從有斐
弱植忘艱辛肉食千種鄙寒梢萬丈伸漫裁黃帝管倚
釣太公鱗王子期同愛文家覓寫真入林誠不厭改歲
喜如新歸動淇泉思餐憐大守貧楚吟雖戀越趙璧且
留秦蓼岸南山曲盆池漢水濱高松堪作友雜卉總為
臣良實雖嫌晚還期鳳下馴

壽父執高翁不危先生九十和安溪師原韻

耄齒欣初度賓筵浮綠瓜土風雖稍變耆舊未全差褐
服三親賴儒冠百里華猗胥聲色斂貧友意言誇小諾

猶盟券常令總法家頗如逐鳥雀疇與拔泥沙金鏤河塘鯉紅鮮海市蝦晉觴方足繫祈壽敢心遐百歲吾歸祝誰云杖屨餘

送逢賡菴視學秦中

夙是王孫貴西掄帝里英玉堂恩禮重寶萼孝忠并

聖意同謀帥賢材合彙征陽春占候早以十月冰雪向啟行

人清國士先秋實秦風本夏聲况當無戰日正有應際西師

獻囚榮胄子來佳氣用杜工部衡山新學堂詩霜葭識古情用詩注

柔秦俗政成齊樂善思服詠周京



庚寅十一月廿九日瑞雪霑洽安溪先生首唱命

同門諸士和韻

微陽七日後冬至至廿九纔七日應候六花真一色寒雲釀同看

大地新空明幾玩月清影未凌晨盡踏羣山玉旋消萬

斛塵牙籤仍闇夜冰署且閒身何自回溪棹徒偕立雪

人近瞻鋪冀野遙想徧江濱定以無螽告寧關秉火神

風先高柳絮氣結曲塘銀寒洵疇方若恩膏易不屯傳

羹鹽可擬郢客唱誰因高調韓公在驚看賀及民韓魏公有

忽驚盈尺及民寬之句題云壬子十一月二十九日時雪方洽

再和前韻

應候恩方飶凝寒氣自真清空心不染晃耀眼全新晦
夜疑生月嚴更訝早晨千山都有色九陌倏無塵殿角
迷烏影籬邊隱鶴身調羹鹽作味映讀玉為人道峻程
門裏思輕剡水濱魏公同得句田祖預稱神昨降蠲除
詔籌分帑藏銀 廟謨無或闕天澤亦難屯後樂鈞衡
意吹幽雅頌因 鑿輿東望去猶復省窮民

送張志尹前輩歸櫬常德

嶺表文星爛江鄉教澤留龍泉看利器鵬海絕中流疑

訝成朝槿功名祇泛漚春風號萬彙秋水失雙眸貧業
淒孤櫬羈魂下片鷗惟餘公論在清漢與揚休

贈同年芮錢塘衣亭

御李慚聯壁分符羨拔鯨一經原逸足百里又英聲冀
野應騰駿茗溪好濯纓用廉公作本孚上下惟誠強幹
千尋直真鋼百鍊精自憐禽慶癖特重潁川名言領治
平要秋看景物清孤山梅韻古湖水鏡光瑩開濟高鵬
上睽攜朔鴈鳴海濱鄒魯近

謂安溪師

一節勉忠貞

排悶

三美堂集 卷九
天門客有夢已作十年醒淺障扶沙堞長河抱草亭高
鴻無近爪威鳳刷修翎香裊飛雲篆花開集錦屏卷中
味芻豢身外事浮萍五石瓢空泛千頭橘未青名安黨
人籍隱占少微星感物畦香草收心刻座銘芰荷衣粲
粲風竹韻泠泠天立無言教心輕卻老經醉從止酒得
琴向不絃聽神會原無際當前意萬齡

安居

半畝藏頭處羞人翰藻誇有衣空點墨無地復容花稚
僕塗煤字娥孫護草芽露香盤剝棗泉寫器烹茶遠友

來魂夢殘經老歲華占疑行有尚絃譜思無邪陋質誠
黔技竒情忽嗜痴影勾沙際弩幻惹酒中蛇皓月當頭
見浮雲未眼遮回甘親諫果不食玩匏瓜警枕鵲晨噪
薦衾蜂晚衙寶存平旦氣清夜足丹砂

聞鳳苞歸信

君歸期已定信至為陶陶海濶原霄漢身輕自羽毛月
移雙槩近風入一帆高久別髭鬚換端居寤寐勞護霜
留晚菊臨甕選南醪玉筍排姬穎金花亂薛濤所言非
世事得意共蓬蒿好客貧家過風流早自豪

喜雨

大德歸鈞軸甘霖勞鼎司今春何重幸兩雨總知時
杲頻愆望欣欣倍覺私輕雷抽宿本餘靄濯新枝
復助雲陰潤還邀霽旭窺擊看深盃滿掘驗一犁
竒農腹應高鼓厨婆不冷炊秋期為麥報彌眺盡揚旗

庚戌二月晦喜雨

雲漢憂何極青稞不肯長連朝空作勢灑響忽鳴廊
疎密終蒙霧虛徐已浸塘巽雲崩陣馬暮雀噪饑糧
續蠟聽更永添裘伴夜涼沈沈滋潤意直欲理倉箱

春游十六韻

閒身真富貴春色大才華嫩柳離人態寒梅靜者花
換裘風抖擻輕笠雨歌斜鸝影猶藏樹蜂聲欲向衙
女筐蕨芽短村塾竹門邪帶郭籠山霧遙天帖水霞
驕騶破新綠側燕剪平沙背錦虛囊句頭網想試茶
詠歸樵唱斷暖塢酒旗遮疎落殘行鴈高低亂點鴉
慵情得緩步好事轉貧家羲麗蒸移榻娥黃厚染葩
喝喉涼杏粥傳火耿牕紗松菊陶潛戀梨桃庾信誇
隣居東魯近遯宅面城嘉意願隨時足風光不用賒

辛亥冬夜偶成

十四年旋過時聞鬪蟻譁疎狂宜獨處閒散似浮家更
事恬亡馬探經勝倚麻點衣偏滌硯刺手復修花天道
常恢網人生詎有涯荒園纔半畝穩棲舊巢鴉

冬夜書懷

陋巷無多屋清閒不是貧家門城北似郡氏海東親儀
幣文堪賣垆醪月可賓世情今若古書味舊能新訟過
彈章泛高稱嬾病真江山空有憶儔輩殆無人發興漫
天雪懷 恩大地春遠滇吾友在欲話道何因

以上
五言

暢春園啟奏內閣部院諸臣 賜食於澹寧居恭

紀十韻

官聯喜向衙朝早天上傳餐賜從臣豈有和羹參造化
只欣調膳播陽春香燈欲落千盤麗綵勝還沾百果頻
花萼樓中烟正裊茅茨堦下草將勻從容委佩留青瑣
步屨晴曛帶綠蘋山黛遠銜梅尚淺地光欲動柳方新
歡憑淑氣聯行袂飽看斜陽趁去人賸有歸遺矜滿橐
何妨隨侍浣芳茵三登已報豐年日四海恰逢無事辰
叨飫 聖明何以答豳風無逸競前陳

九日成綱齋招集友人黑窰廠登高限韻

中秋把盞渾如昨步履重陽約再申市遠已無灰作洞
 臺空隨便草為茵盤筵絡繹斜千嶂林樹蕭疎老四隣
 烏帽綠尊臨晚歲黃花白日暫閒身何妨小卧支殘醉
 莫試先行惹共嗔已近寒涼難後會恰無風雨亦前因
 羈懷怯報雞聲遠鄉思遙看鴈字陳定拚衣單凌冷露
 如吟花落餞餘春歡情又得逢開口好句誰歌換主人

白香山九日有當筵換主人句

鍾別駕洛瞻偕其兄進士勵暇見贈潯酒白菊口

占六韻招之來賞

勞勞戶外滿塵埃自守枯蟬昵草萊何地有花詩在口
 幾家無事酒盈杯松醪甕餉兒鶩色霜蕊叢分老蚌胎
 晚想山公騎馬醉預邀仙令駕鳧來
勵暇待除邑侯胸中流水
 琴心遠屋裏青山畫卷開倘幸明年羞好客
太白云貧家羞好客
 雪前還共一登臺
以上七言

圭美堂集卷十
 寄暢園十詠
 宸翰堂
 錫山錮靈府佳氣團山楹雲章蟠太虛果然天下清
 素壁生秋陰古木羅階庇山靜夕陽時月落滄波裏
 清賞亭
 在澗上

圭美堂集卷十

詩

五言絕句

七言絕句

寄暢園十詠

宸翰堂

錫山錮靈府佳氣團山楹雲章蟠太虛果然天下清

古銘

云有錫爭天下兵
無錫寧天下清

嘉樹堂

在池上

素壁生秋陰古木羅階庇山靜夕陽時月落滄波裏

清賞亭

在澗上

時采山水音吾自有幽耳昨日縱孤遊朋來亦可喜
三疊泉

淙淙石籟響何以喧孤吟有時月明中來聽無絃琴
鶴步灘

獨行印鶴跡明砂亦綽約夜來羽衣人轉問吾游樂
知魚檻

魚樂即我樂莊生猶彼此莫問濠梁人知魚母乃是
卧雲堂

片片觸石來坐對檐牙迴須臾風吹開掛在古樟頂
下堂

古樟一株為
數百年物

天香小閣

不知桂有華爽襟開晴翠夜來登小閣閣中月露氣
清川華薄

素波去可即雜花遠難象叢叢生烟靄出沒風波上
大石山房

太湖家邊石開簾得蒼蒨當時醉吟翁辛勤移五片
題蔣西谷同門畫蘭

誰作幽人操竟為王者香清馨知竟體偶自寫風光

田家

池面高楊柳園頭翠竹枝
遠山橫淺黛小閣最相宜

幽懷

庭宇沐清陰曉起澹無慮
捲簾苔草香日日瀉蘭露
永日垂湘簾淵默入太素
偶然紫薇花蜂蝶鬧無數
畫家貴寫生新篁影修修
風來月下時反說文湖州
昨風吹花開今風吹花落
開落年年春風那好惡
桃花女郎嬉花落實繁
殖冰盤薦青紅何如花時色
三月無雨澤垂簾更掩門
花事豈不惜春風多埃塵

隣翁早款戶野蜂先到廊
牆垣遮不住風攪露蘭香
新筍竭河防爨木毀成器
借問周子牕生意猶存未
園邊千樹紅狂飈驅飛絮
瓶花隔重帘落盡無風處
澗蒼遮幽芳山中人始見
裊石俯前流自洗春風面
新製蒿里聲殯者泣鬼語
道旁牧羊兒聞作歡場舞
兀上古城頭遠草生微綠
東風最關人不須儂歡曲

臘月九日夢中絕句

木榻閉閒神茶餘睡常短
三漱九扣齒聲響臨牕煖

題陳軒成禪悅圖

輝赫宰官身儒佛不同調纔復悟因塵曾惹天女笑

題金北山雙桐小照

君殆示地文我恍聞天語聞是大經綸請看棲鳳處

言五

送張竹坡入都兼柬友

霜華菊蕊一籬新偏苦離情促去輪寄語主人花下別
可曾頗憶海棠春

京邸題董思白畫冊

燕隱西河屋幾間數株松柘拂闌干故園隔在千山外

細把林巒畫裏看

海淀紀事

金盤擎得出 天家苑外傳呼飛鞚斜明滅雕鞍深樹

裏黃門分遣賜枇杷

宿芙蓉秋水軒步何羲文韻

微風纔度柳梢頭幾畝荷香一榻秋記取淹留清賞地
月輪東挂火西流

迎鑾曲

一縷金風萬寶成雲屯露積暢 皇情吹豳只訝豐年

雪不用來春再省耕

黃幕朱輪山翠長白雲紅樹滿秋陽懸知景物歸詩料

聖藻還添六六章

御製有熱河三十六景詩

荆南式廓有苗平舜日堯天再見明行樂應誇新部好

太常初譜舞干聲

鴈聲斗上送新寒直北霜飈到塞寬累日自南吹不斷

天風偏亦解迎鑾

次第司儀禮上穹黃門飛鞚過塵紅預知心近螭頭日

先覺春生豹尾風

贈寧先瓶荷時餞坤掌南歸

丹日扶疎麗五枝吹塵量水注軍持那堪折向同心客

惹取離情入斷絲

癸巳夏日安溪座師蒙賜玉泉山泉水日兩器

謹次湯院長原韻紀事

涵水曾驚驛使煩春波併注沸湯温

師前歲患瘡假浴湯泉又命馳驛

取海水洗之得愈

那知東海無邊澤又酌西山不竭源

真贖還能品別無中官

嚴詔下行都

旨敢擬入別水者罪至死

故知綸閣冰心在日日雙清照玉壺

三美堂集 卷一 五
微傾似滴千花露滿注渾疑一片冰簾外暮聲七椀過
應教六月失炎蒸

注鼎流匙溢玉漿薰風高颺教忠堂

堂名 御賜

別看點易

酬 天眷和墨研朱倍古香

題西谷畫仄

扈蹕口
外所繪

龍蹄虎掌艷沙庭翠碧堪思沁齒馨應陋漢皇冰谷賜
新分哈密兩丸青

題秋山畫幅

寒清骨相更穠華林晚憑君絢彩霞試看霜棱含五色

莫將秋樹認春花

穆益之四兄天姿英挺聞過喜動顏色余閱人多

矣此真畏友也冬夜不寐口占兩截句奉贈

以自嘲

人人護疾自膏肓二豎因能避扁倉今見霍然無所心

孔門高峻看升堂

絛鏃前軒未解鷹碧霄萬里羨君能講堂落盡天花雨
却笑遲回蹇步僧

白溝河雨後題壁

柳行濃綠麥畦新紫燕輕颺云國人莫道浮雲空蔽日
春林一洗十年塵

早行

野草香生帶露風一輪曉月萬山空雞聲獨報前村靜
無數居人在夢中

京口憶舊

康熙乙丑余負笈從金壇高高齋先生讀書鶴林北
固間今三十餘年矣江山在目舊感盈襟因賦五截
句

常隨童冠狎風雩棹撥丹陽酒一壺記得橋頭豐樂館
麪盤問有八鮮無

高氏甥孫虎兒十歲

小字還應魯直題百年電影過旄倪勤脩須應陽元相
肯道巢兒類鎮西

清宵白日莫蹉跎十分期齡一分過漫道讀書千萬卷
身心密切本無多

舟夜

夜深江冷透衾裳板縫條條雪月光夢覺不知身遠近

枕邊時見一痕霜

連夜夢安溪師綱齋寧先湘芷義門大山立侯感

賦

聚散存亡來去風知君若箇賦幽通平生師友淵源意
盡到篷牕一夢中

口占

昭昭何事信心銘漫向人間說玉京白晝深宵無兩樣
只愁當境不分明

贈綱齋侍史色勒

蠻竹名驚澀勒聞

東坡詩倦看澀勒暗蠻攢枝短節瘴
村注澀勒嶺南筍竹名

烟熏奚兒恰應南交識小字還應贈籜君

上元簡綱齋

牙牌六載久追隨只向王孫怨別離老去東風渾忘却

紅牆碧砌小桃枝

海蠟羹盃荔子杯潭潭東閣為君開六街簫鼓燈花鬧

細聽先生講易回

老去花燈嬾與親犢車煩駕短轅春踏歌隊裏金波滿
艷逐香輪碾暗塵

膝上冬郎坐擁扶歌聲已解辨吳歛鳳毛麟趾原英物
近會拈毫著句無謂嗣君伯厚

楚遊每遇名勝輒懷赫尚書即用見寄原韻

寒谿

黃州對岸果幽尋坐看雲容聽水音獨向遠公橋上望
非君誰共愛山心

赤壁

夢裏猶尋鶴化人春風棹與長公隣何當細雨梅花夜
共汝寒燈對討論

峴山

重君五百可當仁峴首青來際九垓若使管簫江上駐
亦應墮淚有荆人

萬山

杜公祠畔富山容竹靄拈毫似此峯潭涸碑沈無半字
淡雲籠日過疎鐘

習家池

四山撲翠遠江秋白鷺窺人踽踽愁惆悵此生逢此地
同君一醉復何求

復真觀

雲深古院滿詩思遠落甘泉持樹枝月上想君同坐處
調琴烹茗爇香時

武當山頂

蛇盤鳥道鑽雲上碎礫千山線巨川不敢層霄共飛步
知君怕近九重天

無題

豈寇籠牕鎖笑譁雪飛萍合未還家朦朧昨夜燈前語
怕向風前紐夢花

武勝關道中

山翠重重帶曉烟故園春色想花然半枝纔放山桃小
為報風光到馬前

羅山

紅山綠樹僧繇畫斷岸江流蘇子文最愛先生讀易罷
一帆落處坐高雲

湘潭道中

一路溪山縱嘯歌淹留是處好盤陀無端向夕乘風便
多少林巒夜裏過

初秋夜

吹殘燈焰月朦朧清沁芽茶夢不終披得生衣香半冷
豈花雨氣入簾櫳

癸卯夏日遣興

瀟瀟風雨友聲殘一卷書開九畹蘭插得餅花聊稱意
隔屏呼出老妻看

清光一片守靈臺鎮日無人破綠苔瓦雀聲中花影重
隣家蝴蝶過牆來

宿白門城南樓

龍虎頻瞻王氣重金陵文戰憶遭逢麻衣三十年前夢
又聽南朝寺夜鐘

武定橋頭曉望情初陽塔頂霧中明小樓半夜朦朧月
疎雨時聞碎瓦聲

慈湖道中

太平景物靄晴暉擔子行來擁翠微塘裏荷花塘上藕
老農閒看稻苗肥
楊柳風來草綠平埃亭苔印槿紅輕農人萬寶無餘地
荷葉荷花礙路生

入績溪界

琉璃屏障綠如油中有懸泉百道流
龍尾硯材何處璞玉波時見一泓秋

拾菌

青林宿雨曉模糊一杖清風路有無
松菌雲根擎五色何人解作采芝圖

宿星岳寺樓

一撮靈鼇擁翠螺琉璃千頃浸盤陀
何緣白日丹青夢

直踞蓬壺弄海波

一名小南海

宿煉丹臺示王不字

萬仞靈空雲海關雲歸並見海波還
勸君名教無邊樂只在三山二水間

和靖先生不易攀鶴聲梅影至今閒
孤山靈境人人有漫說何方可閉關

題黃山僧柴村畫幅

雲海茫茫望若真桐江西去碧嶙峋
分明記得前宵夢我是圖中策杖人

題雪莊大師遺像

孤雲寒月仰高蹤
遲我芒屨竟未逢
五十餘峯公面目
更於何處覓真容

不獨河淮稱郡人
睡翁先子本同羣
通家孔李空相憶
只見青山與白雲

曉過甘懷園

軒楹敞貯露華光
曉起人來滿院涼
隔舍蟬聲喧座客
平疇草色到華堂

松門精畫理
酷愛赫司空
作以為不在
王婁東下

余轉贈枯木竹石小幀並綴截句

高尚書後赫尚書
粉墨紛紛總不如
檢寄松門兼別意
年時落木九秋初

陸冲霄先生題東方偷桃圖壽高衷禹戲題

名章家寶仰前修
避世金門誑道流
我有蟠桃不滅種
憑君億劫莫能偷

乙巳初秋遣興

夜半輕風颯露華
誰將寒意到山家
朝來耐得秋容瘦
爛熳紅薇一樹霞

小園

過眼雲烟閱歲華朝來物候訝山家紅薇疎蕊秋將晚
春海棠開一樹花

秋深餘熱得清涼靜向高天數鴈行襯貼黃花明晚節
多勞昨夜一庭霜

題赫尚書寄著色大幅山水

雙眉開處夕陽亭一棹懷人下遠汀渾似移家江上住
當門常對數峯青

又題小幅水墨山水

竹囊藤絨到山居水色峯容落木初氣韻小堂空翠滿

高尚書後赫尚書

夢一友似向日曾在吉水李宗伯幕中別去寄詩

與友言同客時一韻事為歡

內侍宣盤惠果來絳帷寒處畫屏開仄頭啖盡人無兩
一曲春風自撥醅

夢中句

自是青天在上頭人間萬事總悠悠雲開一片千山月
常向胸前掛到秋

丙午春日偶書

光陰應向五湖寬
劫劫常驚歲易闌
最是連朝忙翰札
杏花開滿不曾看

長日讀書

龍團香破眼朦朧
一卷殘經味不同
墨似漆光牋似雪
隔簾時透棗花風

題松門為余作畫

堯年洪水汎崔嵬
何處山堂失溯洄
今日含毫開面目
故人排闥送青來

題觀瀑圖

獨立囊琴倚赤城
誰來高望濯塵纓
天然寂靜忘言處
雲湧雷奔萬古聲

松門畫折枝
淡紅牡丹贈吾邑
守戎祥符劉介祉
索題

輕霜抹得趙昌神
何似香風起玉津
十二闌干鄉夢短
小牕時占洛陽春

惜陰

雖無塵事也忽忽
不向研經嬾慢同
小睡驀驚簾外影
薇花又是一年紅

貯水

瀹茗天泉子細收音拘挹也揚味在熟中求揚至干過味久不變謂之

水熟朝來倒瀉銀潢罷靜聽兒童唱水籌

題金北山藏王石谷畫冊和原韻

貌得家山是輞川芙蓉面面倚湖天間牕一接風光好

已道塵中蛻骨仙

七月伏汛水小退三弟新號水村嘲之

西望兼天海勢翻漂搖猶幸一枝存堯年費爾閒粧點

羸取幽人號水村

年來高唱度滄桑例作詩人笑欲狂五鳳蠻牋應寄汝

新銜抵署水曹郎

題安東茂宰念峯先生課子圖

公餘經課竹牕虛雛鳳翩翩繞玉除胸次灌湖三萬頃

琴鏗鶴夢掃花初

閒常鄉思入雲亭金粟叢生訓鯉情雜誦鏘鏘風過耳

玉球一十六枚聲

題曹仲經小照

世情厭老莫傳真荷葉楊枝幸共新記取初逢花映肉

於今俱是白頭人

友人為明妃詠者用其意成一絕句

青冢芳名千載垂也應多謝畫工私當年買得椒房寵
面面春風是阿誰

幽意

鎮日無人鎖戶幽湘簾不動几光浮誰家白蝶娟娟下
半院黃花塌地秋

丁未春書意

繁陰青子過東風孕育深深造化工最是人情徇眼色

不看濃綠只看紅

早起

春深睡足心無事殘夢迷離眼似遮乾鵲一聲窻有日
汲來新水注瓶花

首夏

簷下風清乳燕譁輕曦先照野人家膽瓶新水朝牕淨
自折堦前帶露花

秋意

蘋末風吹初瀟茶小窻閒靜月痕斜女娘預戒兒童戲

自數庭前茉莉花

秋日題四季花畫扇

金粟黃收火燄紅
蜜房香引點硃叢
殷家頃刻無邊巧
都在先生掌握中

種花人詞

城東十里沈家屯
我住城中似比隣
自有幽情來結契
太平時作種花人

洮陽張茂節令大興歸工時菊
流傳吾邑遂為方
物詩以紀之

菊幻新奇別作苗
張園洮水紀勲勞
鏤金錯采天裁錦
怪說秋風似剪刀

閒坐

茶烟散盡一庭閒
九點青來畫裏山
細雨作聲微撼菊
牆隅風在有無間

戊申春盡

春去尋春共說遲
陌頭心繫柳絲絲
歸來竹屋銅瓶裏
猶有緋桃三兩枝

簡張詰士

無聲詩和不絃琴自有移情擲地音說與旁人誰得解
轉疑聾聵是知心

北苑南宮繪事傳心師造化是真詮分明大地河山在
坐老宣毫粵硯邊

枯蟬銀色印殘行方寸靈臺無際光舊事由來盡新得
滿天明月一簾霜

閒意

臘到門中日退行數甃欲展課書程誰知老眼朦朧處
纔對梅花字字明

己酉立春前一日

欣欣草木已知榮明日蒼龍整駕東唯有皇穹無世法
自朝吹晚饒寒風

曉起

湖雲朝暝雨踈踈夜氣充然一卷書最是青蓮著句好
幽簾清寂若仙居

程玉亭以監賑來吾邑報績而返出照索題為占

一絕

把卷囊琴百慮先竹光蕉綠柳陰天到來堯舜溝中意

本在吟風弄月邊

胡良翰惠潯釀二罈旋寄綵牋六束謝之

若下雙瓶玉色多
簾光雨歇泥晴和
紅薇一樹人何遠
故夢空思卷白波

寒鴈初過河鯉回
故人緘素重瓊瑰
江郎昨夜雙毫去
媿爾蠻牋五百開

辛亥夏日題馬嶰谷涉江兄弟家藏倪高士竹木

小幀

占得玲瓏山館清
祇陀竹木午風生
游神果與天相會

萬古寒烟夕照情

即用雲林自題竹木畫句

天香妙蹟枕函留

予家藏高士秋林野興圖真蹟吳文定題句經鉏堂前水屏黃何人晏坐

聞天香

記似前身閔閣游
六月蒲葵無處著
山堂又借一

痕秋

即事

秋鶴難禁警露聲
高鴻去去與雲平
城中只少青苔路
獨就荒園踏月行

壬子六月十五夜夢友以海石三片合為小硯屏

以贈澗紋沙脚色
色宛然醒後補成絕句

三美堂集 卷十
神峯三出硯屏新海若靈飛縮地頻蝴蝶夢中風引去
桃花流水自秦人

立秋

火山赤坂喘無休簷影南深一尺優葵扇暫停初夢穩
半牕涼月一痕秋

寄唐益功司寇

濡毫把卷壓賓筵客裏春軒敞靚天柴廠風清今並老
紅梨花下是何年

浣花溪畔思嚴武鴻鴈天邊問達夫待得調元愜歸興

可能倚棹話菰蒲

寄穆益之

相知意氣果相傾四十年心不變更上馬石邊槐樹老
西華城角夢中行
裊裊鞭絲歸岫雲戒臺特往話離羣西山面目應如故
十五年餘不見君

書李樹菴篆書冊子後

薤葉芝英體製紛君家丞相本凌雲嶧山磨滅徒形似
鋒勢今看玉筋文

題汪上章觀鴈小照

萬里秋晴一鴈知
霜飈欲下晚江遲
詩豪湖海無邊意

滿岸蘆花倚棹時

以上七言

歙縣四詠

江村

綠樹青山石砦橋
竹屋人家不見冠
纓綺穀各勤井

白桑麻

高橋

場角雞冠更紫籬
根龍爪偏紅流水聲
中細雨稻花香

裏秋風

漁村

隴畔黃禾一片岩
間綠樹千重茶竈就
溪魚過機輪旋

磨雲封

小溪

屹立巉岩千仞清
寒潭水一泓雨沐羣
松歷落雲間遠

岫崢嶸

以上六言附

幽草

幽草生石隙
一畝雨木深

小意

微雲

翻如黃禾一
出長間粉樹千重
奈靈瑞為魚
長對合

幽林

夏林風

